

Fra: Lars Prang Vorpvik (prang@me.com)

Sendt: 25.03.2020 13:24:11

Til: Postmottak Indre Fosen kommune

Kopi:

Emne: Status for breibandutbygginga i Råkvåg?

Vedlegg:

Hei, Indre Fosen kommune

I fjor vår var det spent stemning i Råkvåg, idet nokre polske arbeidsfolk med kvite varebilar og spesialutstyrte gravemaskiner tok til å skjera i asfalten og leggja fiberkabel på yttersida av Vågen. Stemninga endra seg imidlertid fort frå spent til anspent for oss som bur på innersida av Vågen, der mange (i motsetnad til dei som bur i byggefeltet på yttersida) ikkje eingong har påliteleg mobilsignal, då arbeidsfolket og maskinane brått forsvann frå bygda etter halvgjort arbeid.

Litt om korfor eg er skuffa: Eg driv eit enkeltmannsforetak i databransjen, og er heilt avhengig av breiband for å få gjort arbeidet mitt. Eg er kanskje den einaste i heile bygda som har eit reelt, profesjonelt behov for den opp- og nedlastingskapasiteta som fiberbreiband gir. Per i dag har eg Internett gjennom kopparnettet til Telenor, og dei har som kjent varsla at dei ikkje kjem til å reparere lina om lynet skulle slå ned i ho.

Hittil har kundane mine vore tolmodige med den trege opplastingshastigheita over koppartråden, men eg kan ikkje lita på at tålmodet varer, eller at koppartråden held seg intakt. Mobilbreiband er ikkje eit aktuelt alternativ for mitt behov, då opplastingshastigheita ikkje er betre enn over koppartråden og vi på innersida som sagt knappast har radio- og TV-signal.

Eg vil gjerne ha svar på desse spørsmåla:

1. Kven avgjorde at berre halve Råkvåg skulle få lagt fiber, og kva var grunngjevinga?
4. Hadde kommunen i det heile noko dei skulle ha sagt med omsyn til kor hen kabelen vart lagt?
5. Har kommunen planar om å få fullført arbeidet som dei mystiske utbyggarane i fjor vår etterlet halvgjort?

Eg håper nokon frå kommunen har kunnskap om dette og kan svara meg, så eg kan avgjera om det er ei framtid for meg her i heimbygda mi.

Beste helsing

—

Lars Prang Vorpvik
Holsundveien 13
7114 Råkvåg
NOREG